

Қазақстан Республикасының Үкіметі мен Беларусь Республикасының Үкіметі арасындағы баспасөз және ақпарат саласындағы ынтымақтастық туралы келісімге қол қою туралы

Қазақстан Республикасы Үкіметінің қаулысы 2000 жылғы 4 қазан N 1499

Қазақстан Республикасының Үкіметі қаулы етеді:

1. Қазақстан Республикасының Үкіметі мен Беларусь Республикасының

Үкіметі арасындағы баспасөз және ақпарат саласындағы ынтымақтастық туралы келісімнің жобасы мақұлданын.

2. Қазақстан Республикасының Мәдениет, ақпарат және қоғамдық келісім министрі Алтынбек Сәрсенбайұлы Сәрсенбаевқа Қазақстан Республикасы Үкіметінің атынан Қазақстан Республикасының Үкіметі мен Беларусь Республикасының Үкіметі арасындағы баспасөз және ақпарат саласындағы ынтымақтастық туралы келісімге қол қоюға өкілеттік берілсін.

3. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

Қазақстан Республикасының Үкіметі мен Беларусь
Республикасының Үкіметі арасындағы баспасөз және
ақпарат саласындағы ынтымақтастық туралы
Келісім

Қазақстан Республикасының Үкіметі мен Беларусь Республикасының
Үкіметі (бұдан әрі - Тараптар),

екі мемлекет арасында бар достық қатынастарды одан әрі дамытуға және
нығайтуға ынталылықты басшылыққа ала отырып,

баспасөз және ақпарат саласындағы мемлекетаралық ынтымақтастықты одан әрі
дамытуға Тараптардың мүдделілігін ескере отырып,
1992 жылғы 9 қазанда Бішкек қаласында қол қойылған, ТМД-ға мүше
мемлекеттердің ақпарат саласындағы ынтымақтастығы туралы келісімнің ережелеріне

өздерінің адалдығын қуаттай отырып,
төмендегілер туралы келісті:

1 - б а п

Тараптар, өз мемлекеттерінің ұлттық заңдарына сәйкес, Тараптар мемлекеттерінің саяси, экономикалық және мәдени салаларына ықпал ететін бұқаралық ақпаратпен олардың ақпараттық қызметтері (агентстволары) арқылы кең ауқымды және тұрақты алмасу үшін қолайлы жағдайлар жасауы жәрдемдесетін болады.

2 - б а п

Тараптардың әрқайсысы мерзімді баспа басылымдарындағы мәліметтер мен материалдарды тарату сол Тараптар мемлекеттерінің ұлттық заңдарына қайшы келмеген жағдайда екінші Тараптың мемлекетінде заңды негізде басылатын мерзімді баспа басылымдарын өз мемлекетінің аумағында еркін алмастыруға және таратуға жәрдемдесетін болады.

3 - б а п

Тараптар өз мемлекеттеріндегі бұқаралық ақпарат құралдары редакциялары мен ақпараттық қызметтері (агентстволары) арасындағы өзара тиімді ынтымақтастықты қолдайтын және көтермелейтін болады, оның нақты шарттары мен нысандарын оған қатысушылардың өздері, соның ішінде жекелеген

келісімдер жасасу арқылы белгілейтін болады.

4-бап

Тараптар теле және радио хабарларын таратуды, сондай-ақ қос мемлекеттің журналистері дайындаған материалдарды беруді ұйымдастыруға, өздерінің редакциялары тиісті байланыс жүйелерін пайдаланған кезде оларға жәрдем көрсететін болады.

5-бап

Тараптар теле-радио хабарларын тарату, бұқаралық ақпараттың баспасөз

құралдары саласында, ақпаратпен байланысты ғылыми-техникалық салаларда мамандармен алмасуды тең негізде көтермелейтін болады.

6 - б а п

Тараптардың әрқайсысы бір Тарап мемлекеттерінің ақпараттық мекемелері кәсіптік қызметін жүзеге асыру үшін екінші Тарап мемлекетінің аумағына жіберілетін журналистерге, теле және радио тілшілерге, бұқаралық ақпарат құралдарының өзге де өкілдері мен кітап шығарушыларына, олар қабылдаушы Тарап мемлекетінің ұлттық заңдарын сақтаған жағдайда, қажетті ұйымдық көмек көрсететін болады.

7 - б а п

Тараптар баспа және өзге де бұқаралық ақпарат құралдарының қызметін құқықтық реттеу саласында ынтымақтастықты және тәжірибе алмасуды, сондай-ақ Тараптар мемлекеттерінің ұлттық мүдделері мен мемлекеттік құпияларына ықпал етпейтін өзге де ақпаратпен алмасуды өздерінің құзыретті органдары арқылы жүзеге асыратын болады.

8 - б а п

Осы Келісімді жүзеге асыру мақсатында Тараптар:

Қазақстан тарапынан - Қазақстан Республикасының Мәдениет, ақпарат және қоғамдық келісім министрлігін;

Беларусь тарапынан - Беларусь Республикасының Баспасөз министрлігін құзыретті органдар деп белгілейді.

Тараптардың құзыретті органдарының ресми атауы немесе функциясы өзгерген жағдайда Тараптардың әрқайсысы ол туралы басқа Тарапқа бірден хабар береді.

9 - б а п

Осы Келісімге Тараптардың келісімі бойынша өзгерістер мен толықтырулар енгізілуі мүмкін, олар Келісімнің ажырамас бөлігі болып табылатын жекелеген хаттамалармен ресімделеді.

10 - б а п

Осы Келісімнің ережелері өздері қатысушылары болып табылатын басқа да

халықаралық шарттар мен келісімдер бойынша Тараптардың құқықтары мен міндеттемелеріне ықпал етпейді.

Осы Келісімді қолдану немесе түсіндіру кезінде туындауы мүмкін барлық даулар мен келіспеушіліктер кеңестер мен келіссөздер жолымен шешілетін болады.

11-бап

Осы Келісім бес жыл мерзімге жасалады. Егер тиісті кезеңнің аяқталуына алты айға дейін Тараптардың бір де бірі оның күшін тоқтатуға өз еркі туралы екінші Тарапты жазбаша хабарламаса оның күші келесі бес жылдық кезеңге өздігінен ұзартылатын болады.

12-бап

Осы Келісім оның күшіне енуі үшін қажетті мемлекетішілік рәсімдерді Тараптардың орындағаны туралы соңғы жазбаша хабар алынған күннен бастап күшіне енеді.

_____ қаласында 2000 жылғы " __ " _____ әрқайсысы қазақ, беларусь және орыс тілдерінде екі данада жасалды және де барлық мәтіндердің күші бірдей. Осы Келісімнің ережелерін түсіндіруде айырмашылық туындаған жағдайда Тараптар орыс тіліндегі мәтінге жүгінетін болады.

Беларусь Республикасының Қазақстан Республикасының
Үкіметі үшін Үкіметі үшін

Оқығандар:

Багарова Ж.А.
Икебаева А.Ж.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК